

ԿԱԹՈՒԼԻԿ ԵԿԵՂԵՑԻ

Ֆրանսիական պետութիւնը բաժանուեցաւ եկեղեցուց: Հաղմար Պիոս X պապը դիմում է նոր շրջաբերականով Ֆրանսիական եպիսկոպոսներին, եկեղեցականներին և ժողովրդին, որով միտիժարում է Ֆրանսիական եկեղեցին իւր առաքելական խօսքով: Աւրախութեամբ ողջունում է հոգևորականութեան և ժողովրդի սէրը և անձնութիւնը դէպի եկեղեցին և այդ բանում անսնում է ապագայ յաղթանակի գրաւականը: Նա ջըրում է իւր վերայ բարգաժ մեղադրանքը և բամբասանքը, իբր թէ կրօնական պատերազմ է ցանկանում. հերքում է և հակառակորդներին զրպարտութիւնը, իբր թէ եկեղեցին ինքը հրաժարուել է իւր գոյքից: Այն ինչ խել էն այն գոյքը բռնի: Պետութիւնը պապին երկու չարիքների առաջ էր կանգնեցրել. կամ զրկուել եկեղեցու գոյքից, կամ կորցնել եկեղեցու անկախութիւնը: Մէքը ընտրել է փոքրագոյն չարիքը: Յունուարի 2-ի օրէնքը նա անուանում է յաւիշատկութեան օրէնք, որով լրացուում է եկեղեցու գրաւումը:

Պաշտաման գալով՝ Պապի կարծիքով օրէնքը մտցնում է անիշխանութիւն, անորոշութիւն և կամայականութիւն, թողնելով անյայտ, արգեօք տաճարները պիտի թողնուին հաւատացեալներին և որքան ժամանակ: Ի դուր հակառակորդները այս բոլորի պատասխանատուութիւնը Պապի վերայ են բարդում:

Այսպէս դատապարտելով «նոր օրէնքը»՝ պապը ցոյց չի տալիս գործնական ցուցումներ, թէ ի՞նչպէ՞ս այսուհետեւ պիտի կազմակերպեն եկեղեցին ներկայ ծանր պայմաններում: Այս ծանր խնդիրը նա թողնում է Ֆրանսիական եպիսկոպոսներին:

Յունուար 15—19 La Motte դղեակում տեղի ունեցաւ եպիսկոպոսական ժողովը՝ խիստ դադանի:

Սկզբում կազմել են մի շնորհակալական ուղերձ Պապին այն շրջաբերականի համար, որով իրենց հայեցողութեան է թողնում Ֆրանս. եկեղեցու կազմակերպութիւնը: Յետոյ յայտնում իրենց կատարեալ անձնութիւնը առաքելական աթոռին: Նոյնպիսի ուղերձներ կազմել են և այն ատար եկեղեցիների եպիսկոպոսներին, որանք առանձին թղթերով իրենց վիշան ու քաջալերութիւնն են ցոյց աուել Ֆրանսիական եկեղեցու պետերին:

Ապագայ կազմակերպութեան համար ընտրել են չորս մասնաժողովներ, որ պիտի մշակեն ծրագիրներ հետևեալ կետերի համար. 1) Ինչպէ՞ս կազմակերպել հրապարակային պաշտամունքը:

2) Կաղմակերպել տնտեսական միջոցներ հայթայթելու եղանակը. 3) Հողերը դպրանոցներ բանալ. 4) Այլ և այլ հարցեր. եկեղեցական երգեցողութիւն, հողերականութեան ընտելութեան ևլն:

Ֆրանսիական եկեղեցական ընդհարումները արձագանք են գտել Իտալիայում, ուր կաղմակերպել են հակապապական ցոյցեր և շնորհաւորական հեռագիրներ. Կլեմանտին՝ «ազատութեան ջատագովին»։ Կատարել են և համակրական ցոյցեր Ֆրանսիական դեսպանատան առաջ Հռոմում, Միլանում և այլուր:

Ռուսաց լեզուն կարօլիկ եկեղեցում. Նոյեմբերի 29-ին հրատարակուեցաւ բարձրագոյն հրաման հաղորդելու կաթոլիկ հողերականներին Պապի ատենադպրի շրջաբերական թուղթը, որով վերացում է այն արգելքը, որ Պիոս IX-ը պապը գրել էր ռուս լեզուի վերայ 1877 թուին, կաթոլիկ եկեղեցում: Պաշտօնական հաղորդագրութիւնը աւելացնում է, որ այն արգելքի վերացումը Ռուսաց կառավարութեան պահանջի հետեանք է և այդ արգելքը դաւանական ընտելութիւն չունէր. որովհետեւ «լրացուցիչ առատաւածպաշտութեան» մէջ բոլոր ուրիշ լեզուները, բացի ռուսերէնից, ընդունուած էին Վատիկանի կողմից: Յետոյ հաղորդագրութեան մէջ խօսուում է, որ այս նոր կարգադրութիւնը պիտի գոհացնէ բելոռուս և մալոռուս կաթոլիկ ժողովրդին, որոնք ցարդ զրկուած էին մայրենի լեզուով ժամատացութիւնից և որ առանձին նշանակութիւն է ստանում ինկատի առած այն ունիտաների խմբերով կաթոլիկութիւն ընդունելը. որովհետեւ վերջինների համար ռուսաց լեզուն ոչ միայն մայրենի, այլ և միակ հասկանալի լեզուն է:

Կարօլիկ եկեղեցին Գերմանիայում. Կաթոլիկ կանայք Գերմանիայում մի մեծ կաղմակերպութիւն ունին «Կաթոլիկ կանանց միութիւն» անունով: Նոյեմբերի սիգըներին այդ միութիւնը իւր երկրորդ ընդհանուր ժողովն է գումարել Միւնխենում: Կաղմակերպութիւնը 30 ճիւղ ունի 11962 անդամով, որի հետ միութեան կապեր ունին 141 ընկերութիւն: Կաղմակերպութեան բերան թերթը հրատարակուած է 11000 օրինակ: Տարեկան ել ու մուտքը 18178 մարկ է:

Կաթոլիկ եկեղեցից Ամերիկայում. Կաթոլիկ եկեղեցին Ամերիկայում ամենամեծ և հարուստ եկեղեցիներից մէկն է: Նամեծ կալուածներ ունի յատկապէս բաղամարդ քաղաքներում և աշխատում է իւր հաւատացեալներին զետեղել նոյն կալուածների վերայ և եկեղեցու շուրջը, որպէս զի ամբողջ թաղամասեր կազմէ նրանցից և ընտրութիւնների ժամանակ իւր ներկայացուցիչներն ունենայ կամ կաթոլիկ պաշտօնեաներ նշանակել տայ այդ մասերի կառավարութեան համար: Օրաթերթերի մեծագոյն մասը նոյնպէս կաթոլիկների ձեռքն է և եպիսկոպոսների կամ միւս պաշտօնեաների գործառնութեան և շարժումների մասին մանրամասն լուրեր են տալիս: Կաթոլիկութիւնը Ամերիկայում աճում է յատկապէս Եւրոպայի կաթոլիկ տարբերի՝ լեհացիների, իտալացիների, իրլանդացիների՝ գաղթականութեամբ: Կաթոլիկ եկեղեցու հարստութեան մասին գաղափար տալու համար բաւական է յիշել, որ Նիւեորքում 160 միլիոն մարկի կարողութիւն ունի և միայն 24 միլիոն պարտք: Հոգևորականութիւնը մեծ ջանք է գործ դնում եկեղեցու հարստութիւնը մեծացնելու, նոյն իսկ միջոցների մէջ խարութիւն չդնելով: Պապականութեան ազդեցութիւնը Ամերիկայի կաթոլիկութեան վերայ համեմատաբար թոյլ է, և ժողովրդի մասնակցութիւնը եկեղեցական գործերի մէջ աւելի մեծ, քան Եւրոպայի կաթոլիկ երկրներում:

ԲՈՂՈՔԱԿԱՆ ԵԿԵՂԵՑԻ

Գերմանիայի Հաննովեր նահանգի մի խումբ պատտօրներ միացել են և մի ընկերութիւն կազմել «Աւետարանական ապատութիւն» անունով: Ընկերութեան ծագման պատճառը ներկայ ժամանակի արտաքոյ կարգի լուրջ և մի և նոյն ժամանակ յուսալից պահանջներն են: Ժամանակի լրջութիւնը ծագում է աստուածաբանական գիտութեան և եկեղեցու հակադիր դարգացումից, որ նկատելի է վերջին տասնամեակում ոչ միայն Հաննովերի, այլ և Գերմանիայի միւս իրօք պետութիւնների եկեղեցիներում: Հաննովերը, թէև քաղաքանապէս Պրուսիայի մի նահանգն է այժմ, բայց եկեղեցու ներքին անկախութիւնը մնացել է թագաւորութեան անկումից յետոյ ևս: Մինչդեռ նորագոյն աստուածաբանութիւնը պատմական-քննական եղբակացութիւնները կամենում է քրիստոնէական կրօնի հասկացողութեան և հաւատի հիմք դարձնել, եկեղեցական վարչու-